

Maki Nalua Naña

YOANE

Siriyuia

Visayuena Na Tusi Nene

Suniena plas na tusi nini

E ñaki kiena Yoane na lua, Yoane pio si naga sape “nasumonena”, a pisa ke sape siria “pa sira tai naña Ntewa pisirlua naga”, a sape siri ñena “pa narina lala”. Kinasnen visena lalua nene “sira” amio “narina lala”, tesape naga pe pisa re sira tai amio narina lala, ana pisa ke “sumãare” amio “nalelagaena lala”. Maki nini pisa panila vena sinela sisi la ña silaga, a naga pisa panila sape monar avisuar ruru la, vena navianena la naña kiela vianiena la pe mesmesu re poli ve aimi akila kare la re e kiela vianiena na visokanena lala.

Komþasnen tusi la na nini

Visena þesa 1-3

Li nalelagaena lala monar sinela si yaru lala
4-6

Visena na visaþegeen li nalelagaena lala 7-11

Visena maro 12-13

Visena þesia

¹ Inu nasumonena marua nesiri ñaki nini pimi pan ko, sane ope sira tai naña Ntewa pisirlua ko, ana narumã wa ñena lala. Sineu si paþisi na vitawe amiuenta sina e ñaki nini, nesitom amiu

pañisi, ana pe in ga taaga re poli, li na lelagaena tañena mña lala asitomñal amiu silau. ² Sineta sisi ita ke sanene vanon visena lelaga kiena ne Ntewa teke e kieta malena la rui, ana tomña e ita vano ve uro re sina pogos tai.

³ Nemlen wo amiu, sane lemmena, sineyeena, a sumñarena, vim kome arimata Ntewa, amio narina Yesu Kristo, sike e ita, kila ðelaga na lelagaena a sitomena vim ve keviu manene laa sane e ita silau.

Ataveve ðelaga na sinesiena silaga

⁴ Nesape nevisawal van ko, nepisu narumña la ðasia e yo nini rui, ana nekekan la pañisi naña nepisu la amial ruru ke e ðelaga na visena na lelagaena po pañisi, sa naña Arimata pisa pan ita. ⁵ Auia, nepisu sur nene, ana nesape neiilaar amiu sina, vena alogear kiena navisaluaena la, naña ita tetol sumo e purpes rui, sa naña ve nevisa re sur viu tai van amiu, ana nevisawal ga visena mña nena nene, naña nesape ita monar sineta sisi ita silau. ⁶ Visae sinetan tesape tekila ve sa nene, naga kana mrapa sa nini: monar telogear visena kiena ne Ntewa. A kiena pupia navisaluaena naña temloge nanua rui pimi tol nagane pisa sape monar teiali silau e ðelaga na sinesiena.

⁷ Yeririna na visokanena lala la mokliu asike pa e yomarava rui, vena vilonen sitomena kiena ne yeririna lala. La apisa ke asape Yesu naga pe yar ga tai maran taaga ga sa ga ita, pe sinelan re asape yar la alelaga e Yesu poli, naña asape pe

Navisaarena pimi kome Ntewa a pe natamalia itaena. Yar la na sa nene, ape yar na tañalien yeririna ga lala, ape nasinekar lala kiena ne Kristo. ⁸ Visae ve sanene, monar avisuar ruru amiu e visena la ne sanene, vena ve akila pal re sina ga malena wo naña memiyumñaen mñareran vanon amiu. Monar asuñal mñarera ga, ñisi na akilia atol kiamiu nalaena nowo punu ga sirau. ⁹ Yar naña suñalu, pula petan kove pa vanua, pe mrelaga re si e na vianena na Kristo, naga pe pe kiena ne re si Ntewa poli. Ana yar naña suña ruru ga loyuma e kieta visena na lelaga lala, Ntewa arimata amio narina asike e naga.

¹⁰ Visae akirawal lala tai imi mñalivin amiu, ana pe pisa re visena la naña mesmes sa naña kieta na kilapianena poli, aligan lua si naga vano. Ve aure re naga va e mñamiu yuma lala, ve aurear re naga su amio amiu, ¹¹ visae peraga, amiilaar ke naga pe na kilaen kiena yumñaena viowa nene pa ke metava ne.

Visena maro

¹² Visena moki navisaena sike ga wa, ana pe sineun re neligan se e mñaki nene poli. Yoko nekilalia nevim nevisu amiu ga, vena tekilia tevisi ruru ga van ita e ga e marata. Visae ve sanene naga po manene laa sane, yoko ita punu ga tekilia teloge wo vañisi.

¹³ Lueña tañena ta nene, naña Ntewa pisirlar naga suñalu sa naña ko, narina mña ga lala asike e nini, apisa ke asape Ntewa visa ruru amiu.

Nesape naga ga nene yo, naña nesape nevisa,
visena maro ga e nene.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 11 Nov 2022 from source files dated 22 Nov 2019

ee028e1c-7e53-571d-8041-681daaf580e8